

BOSNIA AND HERZEGOVINA
FEDERATION OF BOSNIA AND HERZEGOVINA
FBiH MINISTRY OF DEVELOPMENT,
ENTREPRENEURSHIP AND CRAFTS

Broj: 01-11-1-2001-5/26
Datum: 10.07.2026. godine

Na osnovu člana 70. Zakona o javnim nabavkama („Službeni glasnik BiH“, br. 39/14 59/22 i 50/24) i preporuke Komisije za javne nabavke u 2026. godini, obrazovane Rješenjem broj: 08-11-177/26 od 24.02.2026. godine, date u Zapisniku o pregledu i ocjeni ponuda u postupku Konkurentskog zahtjeva za dostavu ponuda u predmetu javne nabavke uredskog namještaja od 06.07.2026. godine, federalni ministar razvoja, poduzetništva i obrta, donosi

O D L U K U
o izboru najpovoljnijeg ponuđača

I

Prihvata se preporuka Komisije za javnu nabavku da se u cilju odabira najpovoljnijeg ponuđača po provedenom Konkurentskom zahtjevu za dostavu ponuda - nabavka uredskog namještaja kao najpovoljniji ponuđač izabere Pro Tim d.o.o. Sarajevo sa sjedištem u Sarajevu, ul. Dobrinjske bolnice 1A, sa svojom Ponudom broj 195/2026 od 09.07.2026. godine čija ukupna ponuđena cijena iznosi 9.000,00 KM bez uračunatog PDV-a, odnosno 10.530,00 KM sa uračunatim PDV-om.

II

Ova odluka stupa na snagu danom donošenja i objavit će se na web stranici Federalnog ministarstva razvoja, poduzetništva i obrta istovremeno sa upućivanjem obavijesti ponuđačima koji su učestvovali u postupku javne nabavke u skladu sa članom 70. stav (6) Zakona o javnim nabavkama.

III

Za izvršenje ove odluke zadužuje se Sektor za finansijske, pravne i opće poslove.

O b r a z l o ž e n j e

Provodeći Odluku o pokretanju postupka javne nabavke uredskog namještaja, broj: 01-11-1-2001-1/26 od 23.06.2026. godine, Komisija za javne nabavke u 2026. godini, imenovana Rješenjem broj: 08-11-177/26 od 24.02.2026. godine (u daljnjem tekstu: Komisija), dana 24.06.2026. godine objavila je na Portalu javnih nabavki Obavještenje o nabavci, broj: 572-7-1-10-3-3/26, kao i Tendersku dokumentaciju broj 01-11-1-2001-2/26 od 24.06.2026. godine.

Predmetna javna nabavka provedena je sukladno odredbama Zakona o javnim nabavkama Bosne i Hercegovine („Službeni glasnik BiH“, br. 39/14, 59/22 i 50/24), po pravilima Poglavlja V. Odjeljak A. Dodijele ugovora male vrijednosti i to kroz postupak Konkurentskog zahtjeva za dostavu ponuda, uz provođenja E-aukcije, a evidentirana je u Planu nabave pod rednim brojem 6/26 - robe, CPV kod: 39100000-3.

Po Obavještenju o nabavci, do 01.07.2026. godine, do kada je bio rok za preuzimanje tenderske dokumentacije, prema Izvještaju o preuzimanju tenderske dokumentacije od strane ponuđača, preuzetog i kreiranog sa Portala javnih nabavki BiH dana 02.07.2026.

BOSNIA AND HERZEGOVINA
FEDERATION OF BOSNIA AND HERZEGOVINA
FBiH MINISTRY OF DEVELOPMENT,
ENTREPRENEURSHIP AND CRAFTS

godine, predmetnu tendersku dokumentaciju preuzelo je ukupno 20 ponuđača. U utvrđenom roku do 06.07.2026. godine do 10:00 sati, pristigle su tri ponude i to od ponuđača: „SEDŽAN – INGENERING“ d.o.o. Vogošća, „GRADIZ“ d.o.o. Sarajevo i Pro Tim d.o.o. Sarajevo, ul. Dobrinjske bolnice 1A.

Istog dana, sa početkom u 10:15 sati, izvršeno je javno otvaranje ponuda o čemu je sačinjen Zapisnik sa otvaranja ponuda koji je blagovremeno dostavljen ponuđačima koji su dostavili ponude. Komisija je isti dan započela sa pregledom i ocjenom dostavljenih ponuda i utvrdila da su sve pristigle ponude prihvatljive za ugovorni organ.

S obzirom da je pristigao dovoljan broj prihvatljivih ponuda, a prema uslovima iz tenderske dokumentacije, Komisija je u skladu s odredbama Pravilnika o uslovima i načinu korištenja e-aukcije („Službeni glasnik BiH“ br. 80/23) dana 06.07.2026. godine zakazala e-aukciju prema kriteriju najniže cijene. Aukcija je zakazana za dan 08.07.2026. godine sa početkom u 13:30 sati. Nakon održane e-aukcije, prema Izvještaju o toku i završetku e-aukcije, prvorangirani na konačnoj listi je ponuđač Pro Tim d.o.o. Sarajevo sa konačnom cijenom ponude od 9.000,00 KM bez PDV-a, drugorangirani ponuđač „SEDŽAN – INGENERING“ d.o.o. Vogošća sa konačnom cijenom ponude od 9.399,00 KM bez PDV-a, a trećerangirani ponuđač: „GRADIZ“ d.o.o. Sarajevo sa konačnom cijenom ponude od 11.676,00 KM bez PDV-a. Na osnovu Konačne rang liste ponuditelja nakon okončane e-aukcije, Komisija je dala preporuku ministru da se Ugovor dodijeli prvorangiranom ponuđaču Pro Tim d.o.o. Sarajevo.

U postupku donošenja ove odluke, posebno su cijenjene činjenice, da je Komisija pravilno i potpuno, izvršila ocjenu kvalificiranosti ponuđača, te ocjenu prispjelih ponuda, shodno postavljenim uslovima iz Tenderske dokumentacije. U postupku ocjene provedenog postupka, ovlaštena osoba ugovornog organa nije našla razloge, nepravilnost niti propuste u radu, koji bi eventualno bili osnov za neprihvatanje preporuke Komisije za javne nabavke. Naime, u postupku je ocijenjeno da je Komisija u svemu pravilno postupila, te da je izbor izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Pouka o pravnom lijeku:

Protiv ove odluke može se izjaviti žalba Uredu za razmatranje žalbi Bosne i Hercegovine putem Ugovornog organa u roku od 5 (pet) dana od dana zaprimanja ove odluke. Žalba se podnosi u najmanje tri primjerka.



Dostaviti:

1. Ponuđači,
2. Web stranica ministarstva,
3. Sektor za finansijske, pravne i opće poslove,
4. Komisija za javne nabavke,
5. a/a.